

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 68. stav (1) i (4) tačka i), člana 69. stav (2) tačka d) i člana 70. stav (4) Zakona o javnim nabavkama („Službeni glasnik BiH“, broj: 39/14) i tačke 3.1. Tenderske dokumentacije za postupak javne nabavke za pružanje usluga dugoročnog kreditnog zaduženja Zeničko-dobojskog kantona u 2020. godini, broj: 07-11-5646-8/20 od 08.05.2020. godine, na prijedlog Ministarstva finansija, Vlada Zeničko-dobojskog kantona, kao ugovorni organ, na 82. sjednici, održanoj dana 30.10.2020. godine, d o n o s i

ODLUKU

o odbacivanju ponude i poništenju dijela postupka javne nabavke za LOT 8

Član 1.

(Odbacivanje ponude i poništavanje postupka javne nabavke za LOT 8)

(1) Odbacuje se ponuda ponuđača ASA BANKA d.d. Sarajevo, Trg međunarodnog prijateljstva broj 25., 71000 Sarajevo, podnesena za LOT 8 otvorenog postupka javne nabavke za pružanje usluga dugoročnog kreditnog zaduženja Zeničko-dobojskog kantona u 2020. godini, koji je objavljen dana 08.05.2020. godine u 14,59 h na Portalu Agencije za javne nabavke, pod brojem: 07-11-5646-8/20, iz razloga što izabrani ponuđač u propisanom roku nije dostavio sve tražene validne dokaze koji su morali sadržavati potvrdu da je u momentu predaje ponude ispunjavao sve uslove koji se traže Tenderskom dokumentacijom i članom 45. Zakona o javnim nabavkama.

(2) Stavlja se van snage Odluka o izboru najpovoljnijeg ponuđača, broj: 02-11-13500/20 od 07.08.2020. godine („Službene novine Zeničko-dobojskog kantona“, broj: 15/20), kojom je ponuda ponuđača iz stava (1) ovog člana, kao jedina kvalificirana ponuda pristigla za LOT 8, bila proglašena najpovoljnijom.

(3) Poništava se dio otvorenog postupka javne nabavke za pružanje usluga dugoročnog kreditnog zaduženja Zeničko-dobojskog kantona u 2020. godini, koji se odnosi na LOT 8, iz razloga što za navedeni lot izabrani ponuđač nije dostavio sve tražene validne dokaze koji su morali sadržavati potvrdu da je u momentu predaje ponude ispunjavao sve uslove koji se traže Tenderskom dokumentacijom i članom 45. Zakona o javnim nabavkama, čime je ponuda navedenog ponuđača postala neprihvatljivom i nepotpunom.

Član 2.

(Dostava odluke i obavještenja)

(1) Ugovorni organ će putem Ministarstva finansija Zeničko-dobojskog kantona ovu odluku i pismeno obavještenje o rezultatima postupku nabavke dostaviti svim ponuđačima koji su učestvovali u postupku javne nabavke za ovaj lot, najkasnije u roku od sedam dana od dana donošenja ove Odluke, u skladu sa članom 70. stav (4) i članom 71. stav (1) Zakona o javnim nabavkama, zajedno sa zajedno sa Zapisnikom Komisije o kontroli dokaza o kvalificiranosti dostavljenih od strane ponuđača u skladu sa članom 45. Zakona o javnim nabavkama.

(2) Daje se ovlaštenje Ministarstvu finansija Zeničko-dobojskog kantona da u ime ugovornog organa može eventualno podnesenu blagovremenu, dopuštenu i od ovlaštenog lica izjavljenu žalbu protiv ove Odluke, proslijediti Uredu za žalbe Bosne i Hercegovine na nadležno postupanje u skladu sa članom 100. stav (5) Zakona o javnim nabavkama.

Član 3.

(Stupanje na snagu i objava Odluke)

(1) Odluka stupa na snagu danom donošenja i objavit će se u „Službenim novinama Zeničko-dobojskog kantona“.

(2) Odluka će se putem Stručne službe Vlade objaviti i na internetskoj stranici Vlade Kantona i to istovremeno s upućivanjem odluke ponuđačima koji su učestvovali u postupku javne nabavke za LOT 8.

Pouka o pravnom lijeku:

Protiv ove odluke može se izjaviti žalba Vladi Zeničko-dobojskog kantona u roku od 10 (deset) dana od dana prijema ove odluke.

Broj: 02-11-17497/20
Datum, 30.10.2020. godine
Zenica



DOSTAVLJENO:

- 1x Ministarstvo finansija,
- 1x ASA BANKA d.d. Sarajevo, Trg međunarodnog prijateljstva, broj 25., 71000 Sarajevo, putem Ministarstva finansija,
- 1x Privredna banka Sarajevo d.d. Sarajevo, Ul. Obala Kulina bana, broj:18., 71000 Sarajevo, putem Ministarstva finansija,
- 1x Stručna služba Vlade - web stranica Vlade Zeničko-dobojskog kantona,
- 1x "Službene novine Zeničko-dobojskog kantona",
- 1x a/a.